

TE HEHEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 4.

Eperela, 1920

Mat. 14.

Te mau haerea a Iehova ra, o te aroha ia e te parau mau i te feia i haapao i ta'na parau i faaau e ta'na i faaite mai.

Salamo 25:10.

Te vaha parau mau ra, e haapupukia ia e a muri noa'tu; area te arero haavare, no paruparu a'e ia.

Maseli. 12:19.

Te vai na te feii rahi, e te mârô i roto i to outou aau, eiaha na e faarahi, a pari haavare ai i te parau mau. E ere hoi te reira paari i to nia mai, no teie nei ao ia, no te taata nei e no te mau demoni.

Iakobo 3:14,15.

TO IOSEPHA ORAMA MATAMUA.

E i te matahiti 1820, i ite ai Iosepha Semita i to'na orama matamua. E hoê hanere matahiti te area mai reira mai e tae noa'tu i teie nei.

E riro paha te vetahi mau taata i te mana'o e, aita roa e tia i te hoê tamaiti apî mai ia Iosepha ia farii i te heheura e ia ite atu i te mau orama. E na ô paha ratou i te feruri e i te uiui ratou, ratou iho, "E maiti anei te Atua i te hoê tamaiti apî e te ite ore ei vea na'na?"

Mai te mea râ e, e imi maite tatou i roto i te mau papai-raa mo'a, e ite papu ia tatou e, e maiti mau te Fatu i te hoê tamaiti mai ia Iosepha, ei vea na'na. E rave rahi te mau tamaiti apî, i maitihia e te Atua ei vea na'na.

O Samuela te hoê. I muri iho i te mau mahana no Iosua, i faateatea ai te mau tamarii no Iseraela i to ratou ra mau aau, e no reira aita te Fatu i heheu pinepine mai i to'na mau parau mo'a ia ratou ra. Ua riro ihora ratou eifeia haapao-ore roa, e aita i maoro i muri mai, ua tupu te mau pea-pea e rave rau i rotopu ia ratou. Oi moe roa ia ratou te mana no te antahu'araa. I taua tau aehuehu ra, ua faatia te Atua i te hoê peropheta tamaiti i rotopu ia ratou. E taua peropheta ra o Samuela ia. E hoê ahuru e ma piti matahiti to'na i te tau i farii ai oia i to'na heheuraa matamua.

Ua a'o oia i te parau a te Fatu ia Iseraela, e e ohipa taaê, e te maere rahi ta'na i rave i rotopu ia ratou.

O Ieremia te tahi peropheta rahi tei maitihia i to'na vai tamariiraa e faaaraara e e tohu atu hoi i te mau taata no Iseraela. Ua ite Ieremia i to Ierusalem haamouraahia e to Iseraela afai-tîtî-raa hia i Babulonia. Te na ô mai ra te Fatu ia Ieremia e, "Aita oe i hamanihia e au i roto i te opu, i ite ai au ia oe; e aita oe i fanau, i faataahia'i oe e ua haapaohia oe e au, ei peropheta na te mau fenua." Teie hoi te pahono-raa o Ieremia i taua parau a te Fatu ra; te na ô maira oia e, "Aue! e tau Fatu, e Iehova e! aore hoi au i ite i te parau; e tamaiti iti hoi au." Ieremia 1: 5, 6.

O Daniela te tahi peropheta tamaiti. I to'na vai apî-raa, ua afai-tîtî-hia oia i Babulonia. E toru matahiti i muri ihora, ua ite oia i te orama, i tia ai ia'na ia tatara i te taoto-raa o Nebusaneza ra. Na roto i to'na haapao-maitairaa i te parau no te paari, e te mau faaueraa a te Fatu i noaa ai ia'na taua tura rahi ra.

O Ioane hoi te tahi peropheta mana rahi i faatiahia e te Atua ia rave i te ohipa rahi i rotopu i te tamarii a te taata nei. Te taio nei tatou e, "Ua bapetitohia oia, (o Ioane) i to'na ra vai tamariiraa, e ua faataahia oia e te melahi a te Atua no teie nei mana i te vau o te mahana mai to'na fanau-

raa mai; ia haamou oia i te basileia a te Ati Iuda, e ia faaafaro i te e'a no te Fatu i mua i te mata no to'na ra mau taata; ia faaineinehia ratou no te haereraa mai no te Fatu, o tei vai te mana hope i to'na rima." B. F. S. 83: 4.

Teie te tahi mau peropheta a te Atua, tei maitihia i to ratou ra vai tamariira, oia hoi, O Iosepha, (tei hoohia i Aiphiti,) Davida, Timoteo, (te pipi here o Paulo), e O Iesu Mesia iho.

Na teie mau parau i nia nei, e haapii papu mai ia tatou e, ua maiti mau te Fatu i te hoê mau tamaiti mai ia Iosepha Semita, ei vea na'na, e e ohipa rahi hoi ia ta ratou i rave i roto i te mau tuuraa parau i te anotau tahito ra.

E no reira e au mau here, eiaha tatou ia vare i taua huru parau ra, te na ô ra e, "Aita te Atua e maiti i te hoê tamaiti apî e te ite ore, mai ia Iosepha Semita, ei peropheta na'na." "Ei te ture, ei te parau, ta ratou e imi; ia ore ia faaau i ta raton parau i taua parau ra, no te pouri ia i na reira ai ratou ra." Isaia 8:20.

E taua orama ra, i itea e Iosepha, ua au roa ia i te mau orama i iteahia e te hoê mau peropheta mau i te tau tahito ra. Ua haapii mai Iosepha Semita e, ua ite mata oia i te Metua e te Tamaiti. Hou a'e râ i to'na iteraa ia raua ua haatihia oia i te pouri rahi e te mana no te Diabolo, mairi ihora oia i raro, e ia fatata oia i te pohe i te reira, ua faaorahia oia e te Fatu. Ua na reira-atoa-hia Isaia e te tahi atu â mau tavini o te Fatu. Te na ô maira te buka a Isaia e, "Aue hoi au nei e! ua mamû iho nei au; e taata vaha viivii hoi au." Isaia 6:5. O te parau teie a Isaia i te Fatu, ia'na i ite i te hoê orama. E ua pou mai te hoê melahi ia'na ia tauturu ia'na i ta'na ati.

Hoê ana'e huru te parau no Daniela, Te na ô maira oia e, "E tae a'era i te mahana taau ma maha o te marama matamua ra, ia'u i parahi i te hiti o taua pape rahi ra o Hide-

kela; ua nânâ a'era vau i tau mata i reira, e ua hi'o atura vau, e ite atura i te hoê taata i te ahuraa i te vavai, e ua tatuahia tana tauupu i te auro maitai no Uphaza; e au hoi to'na tino i te tarisisa, e mai te uira to'na mata, e na mata no'na ra mai te lamepa auahi e ama ra, e na rima e na avae no'na ra, mai te veo faaanaahia ra ia, e te haruru o tana reo, mai te reo ia o te hoê tiria rahi ra. O vau ana'e nei o Daniela tei ite i taua orama nei; aore hoi te mau taata i pihai iho ia'u ra i ite i taua orama nei; roohia ihora râ ratou e te mätä'u, e ua horo atura e tapuni. Toe ihora o vau ana'e ra, ite atura vau i taua orama rahi nei, e aita'tura o'u e puai toe i roto ia'u, riro atura hoi taua puai no'u ra mai te mea tahuti, e aore roa o'u e puai i toe. Te faaroo atura râ vau i te haruru o ta'na parau; e i to'u faarooraa i te haruru o ta'na parau, mairi mata pouri noa'tura vau i raro tau mata i te repo.

E inaha, ua faatiaia maira te hoê rima ia'u, e ua faatia mai ia'u i nia au tura e o au apu rima. Ua na ô maira oia ia'u, Daniela, e te taata here-rahi-hia ra, ia ite mai oe i te parau ta'u e parau atu ia oe na, e tia hua mai i nia: i tonohia mai hoi au ia oe nei i teie nei. E oti a'era te reira parau ia'u nei, tia ihora vau ma te rurutaina. Ua na ô maira oia ia'u, Eiaha e mätä'u, e Daniela; mai te mahana matamua mai â hoi ta oe i fariu i to aau i te imiraa i te ite ra, e te faa-haehaaraa ia oe iho i mua i te aro o te Atua, ua faaroohia ta oe i ani i reira, e i haere mai ai hoi au nei no taua ani na oe ra. O te arii râ o te basileia ra o Peresia tei patoi mai iau e a piti a'enei ahuru hoê tiahapa i te mahana: e inaha, o Mikaela, te hoê arii rahi, tei haere mai e tauturu ia'u; i maoro ai hoi au i reira i ô te mau arii hoê Peresia ra. I haere mai nei hoi au e faaite ia oe i te tupu i nia iho i to oe ra mau taata i te mau mahana hopea ra; e maoro râ e tupu ai taua orama nei. E oti a'era teie nei parau i te parauhia mai e ana ia'u nei, ua fariu ihora vau i tau mata i raro i te repo, e riro

atura vau ei vava, E inaha, ua faatiaia mai te hoê mai te tamaiti a te taata nei te huru i tau utu: matara a'era tau reo, e ua parau ihora vau, na ô atura vau i tei tia mai i mua ia'u ra, E tau Fatu, ua ho'i mai te oto i nia ia'u i teie nei orama e aita'tura o'u e puai e vai nei. Eaha hoi e tia'i i te tavini o tau fatu nei ia paraparau atu i tau fatu nei? area vau nei aita rea o'u puai i toe roto ia'u nei, e aore rea o'u aho e vai nei i roto ia'u." Daniela 10:4-18.

"Te vaha parau mau ra, e haapapuhia ia e a muri noa'tu; area te arero haavare, no paruparu a'e ia. E haavare tei te aau o te feiai imi i te iuo; te feia râ i faaau i te parau hau ra, e oaoaraa to ratou." Maseli 12:19,20.

E au mau here e, e faatiahia e e faaupootiahia te parau mau, Te parau mau o tei na roto mai i te vaha o taua tamaiti apî ra, o Iosepha Semita, e vai a ia, e, e haapapuhia ia e a muri noa'tu.

Papaihia e,

Aneterea Sedamana.

TE UTUAFARE I PARAUHIA "MANUIA"

Te i'oa o te Metua tane, o "Ohipa" ia.

Te Metua vahine no "Manuia," o "Titau ia".

O "Feruriraa Maitai," te i'oa ia no te tamaiti matahia-po.

Teie te i'oa o te hoê mau teina no'na, o "Tuutuu Ore,"

"Aau 'Tae," "Maitai Roa," Ara Maiteraa," Hitimaue-raa," e "Tauturu."

Te tamahine matahiapo, o "Tiaraa Maitai," to'na i'oa.

Teie hoi te i'oa no te hoê mau teina no'na ra, oia hoi, o

Fana'o," Peu Maru," "Haapao Maitai," "Popore

Ore," Haavare Ore," e "Au-Maitai-raa."

Te i'oa no te aiu, o "Tau Maitai" ia. Mai te mea e, e

au maitai outou i te Metua tane o taua Utuafare ra, e

ore outou e haapeapeahia e to'na vahine, aore râ te

hoê o to'na ra mau mau tamarii.

TE TUATAPAPARAA PARAU O TE AO NEI, OIA
HOI TE HURU O TE OHIPA I RAVEHIA I ROTO
I NA MATAHITI E HITU TAUATINI RA.

HISTORIAN'S OFFICE LIBRARY
2nd Floor, 100, The Esplanade, Auckland, New Zealand

1. Te tau no te vai-
hau-raa o te fenna.

“E puaahorofenua teatea e e fana ta tei para-
hi i nia ihora, e e korona tei horoahia mai no'na;
haere atura oia mai te upootia e ia upootia'tu â.”
Apokalupo 6:2.

E faaauraa e e taife hoi teie mau mea i nia nei
no te huru o te ohipa i ravehia i roto i te tauatiniraa
matamua o te matahiti, oia hoi i te tau no Adamu
ma, a vai hau noa'i te fenua ra. E tapao te teatea
no te hau e te peapea ore. E aita roa hoi te tama'i
e te aroraa i itea i taua anotau ra. Ua itoitō to ta-
ua tau ra i te haaviraa i te fenua e te mau animala.
Ua haapao ratou i te faaauraa a te Fatu tei na ô
mai e, “Ua haamaitai ihora te Atua ia raua, na ô
maira te Atua, Ia fanau orua e ia rahi roa, e faafi
te fenua nei, e e haavi iho; e ia mana orua i nia
iho i te mau manu o te reva, e i nia iho i te mau
mea'toa e nee haere i nia iho i te fenua nei.” Ge-
nese 1:28.

2. Te tau no te tam-
a'i e te haapauraa.

“Te hoê puaahorofenua uteute: e e mana tei
horoahia mai no tei parahi i nia ihora ia faaore oia
i te hau i te ao nei, e ia taparahi te taata ia ratou
iho: e e o'e tei horoahia mai ia'na.” Apokalupo
6:4.

O te taife teie faaauraa i nia nei, no te mau
mea o te tupu i te piti o te tauatini o te matahiti.
Ua fâaore-mau-hia te hau i te ao nei i taua anotau
ra. Tei roto i taua tau ra te haamataraa no te ohi-
pa tama'i e te aroraa rahi. E ua vai noa mai taua
ohipa ino i te ao nei mai reira mai e tae noa'tu i
teie nei â mahana.

3.
raa e
o'a.

4.
a'i e

5.
ani-i
mo'e
mau

3. Te tau no te tupu-
raa o te ohipa hoo ta-
o'a.

"E puaahorofenua ereere; e e faaito tei te rima o tei parahi i nia ihora. E faaroo atua vau i te hoê reo i rotopu i na mea ora e maha ra i te na ô-raa e, Hoê hoini sitona hoê moni veo, eiaha ra oe e hauti noa'tu i te olive e te uaina." Apokalupo 6: 5-6.

E taipe taua mau mea i nia nei, no te mau ohipa o tei ravehia i te toru o te tauatini o te matahiti. Tei taua anotau ra te tupuraa o te ohipa hoo-raa tao'a. E tapao te faito, no te ohipa hoo tao'a e no reira e faito tei te rima o te taata o te parahi i nia iho i taua puaahorofenua ra.

4. Te tau no te tam-
a'i e te pohe.

"E puaahorofenua maheahea; e to'na i'oa to te parahi i nia ihora, o Pohe ia, e o Hade tei pee i muri a'e ia'na. E e mana tei horoahia mai no ra-ua ia taparahi oia i te maha o te tufaa o to te ao nei i te 'o'e, e te ma'i, e te o'e e te puaa taehae o te fenua nei," Apokalupo 6:8.

O te taipe teie mau mea no tei tupu i te maha o te tauatni o te matahiti. Ua tupu pinepine te tam-a'i, te ma'i rahi e te mau pohe ri'ari'a i taua a-notau ra.

5. Te tau no te ham-
ani-ino-raa-hia te feia
mo'a, e te tupuraa o te
mau haapaoraa taiva.

"I raro a'e i te fata i te mau varua o te feia i taparahihia no te parau a te Atua, e no te parau ta ratou i faaito ra. E ua pii hua atura to ratou reo, e ua na ô atu, Mai te aha te maoro, e te Fatu mo'a e te parau mau, e haava'i oe, e e tahoo mai ai oe i to matou toto i te feia o te parahi i te ao nei? E e ahu teatea tei horoahia mai no ratou atoa e ati noa'e; e i parauhia mai ratou e, e tia i noa ratou e vahi iti a'e, e ia hope i te pohe to ratou mau taetaeae tavini e to ratou mau taetae, ia pau i te taparahihia ra mai ia ratou te huru." Apokalupo 6:9-12.

E taipe e e faaauraa hoi taua mau mea ra no te ohipa hamani-ino-raa o tei tupu i te pae o te tauatini o te matahiti. Ua tauatini e ua tauatini te feia moa o tei taparahihia e o tei hamani-ino-hia i

reira ra. Tei taua anotau ra to Roma Etene haamani-ino-raa'tu i te feia mo'a o Tei Teitei ra. "E i tua uhia'tu ia'na te tama'i i te feia mo'a, e ia pau ratou ia'na, e e mana tei ho-mai-hia mai no'na i te mau opu atoa, e i te maa reo atoa e i te mau fenua atoa." Apokalupo 13:7.

"Hi'o atura vau e vahihia a'era e ana te ono o te tapao taati ra, e inaha, e aueue rahi to te fenua, ereere atura te mahana, mai te ahu paau huruhuru ra, e riro atura te marama mai te toto ra. E ua mairi maira te mau fetia o te ra'i i raro i te fenua nei, mai te suke aupara e mairi ia uenehia e te mata'i rahi ra. Oviri e atura te ra'i mai te parau ia otarohia ra; e taa e atura te mau mou'a atoa e te mau fenua atoa i to ratou tiaraa. E te mau arii o te ao nei, e te mau taata rarahi ra, e te mau taata tao'a ra, e te mau tapena rarahi, e te mau taata mana, e te mau titi, e te mau tiamâ ra, tapuni ana'e atura ia i roto i te mau ana, e i roto i te mau mato, e ua parau atura i te mau mou'a, e te mau mato, A mairi mai i nia iho ia matou, e buna ia matou ia moe e atu i te mata o tei parahi i nia iho i te terono ra, e te riri o te Arenio ra: ua tae hoi i te mahana rahi no to'na ra riri, e o vai te taata e mau?" Apokalupo 6:12-17.

O te mau tapao teie o te tupu i roto i te ono o te tauatiniraa o te matahiti, Ua faaitchia teie mau tapao i te taata nei la ite papu ratou e, ua fatata mai te hopea, e te mahana e pou mai ai te Mesia. E aohia te evanelia i te mau taata o te ao nei i roto i taua anotau ra.

Aita i rahi te parau i papaihia i roto i te Apokalupo, o tei faaite mai ia tatou i te huru mau no te hitu o te tauatiniraa o te matahiti. No te parau e papaihia i te pene 11:15-19 râ, i papu ai tatou e, i riro mau te rê i te Arenio, e e parahi hoi Oia i rotopu i to'na ra feia mo'a mai te hau e te oaoa rahi e ia hoê tauatini i te matahiti.

6. Te tau faaineine-raa no te haereraa piti mai o te Mesia. Te aoraahia te Evanelia i na otia e maha o te ao nei.

7. Te tau no te Sabati Mo'a, aore râ te Mileniuma.

TE AŪTAHU'ARAA

I te mau tau atoa i tuu mai ai te Atua i te hoê tuuraa parau i to te ao nei, ua faatupu atoa ia oia i te hoê haapao-raa, e faaoti-nehenehe-hia'i ta'na ra ohipa. E taua haapao-raa ra, o te Etalesia ia.

Te mau melo no taua Etaretia ra, o te mau taata ia o tei rave i te i'oa o te Mesia i nia iho ia ratou, na roto i to ratou ra haapaoraa i te mau oroa mo'a no te Fatu.

Ua horoa mai te Atua i to'na mau tavini i tera tau e i tera tau, i te mana ia faatere i ta'na mau ohipa i te fenua nei. E taua mana na ô mai i te Atua ra, o te Autahu'araa ia.

“Ia outou râ, tei ia outou te horoa-raa-hia te mana no teie nei autahu'araa no te mau mahana e no te taima hopea tei reira hoi te tuuraa parau i te hoperaa mau o te mau tau ra, o te mana i manhia e outou e ratou atoa o te noaa ia ratou te tuuraa parau i te mau taima atoa mai te haamataraa i te hamaniraa i te mau mea atoa.”

E no reira, te Autahu'araa, o te mana ia i horoahia mai e te Atua i te taata, ia tia ia ratou ia faatere i ta'na ra mau ohipa i te ao nei. O ratou o tei mau i te mana no te Autahu-araa mo'a, ua mau ia ratou i te mana ia, “Haamau i raro nei e e haamau-atoa-hia ia i te ao; e ia tuu i raro nei, e e tuu-atoa-hia ia i te ao.”

O te mana teie, i tia'i i te taata ia faaoti i te mau oroa-mo'a no tei ora e tei pohe atoa hoi, e ia faatere i te mau ohipa no te paeau tino e te paeau vaura. Teie hoi te tumu i horoahia mai ai taua mau mana ra i te taata nei, oia hoi, no te faahoiraa ia i te mau tamarii a te Atua, mai te aau mâ e te tura rahi, i to ratou ra Metua here i te ra'i ra, ia tia ia ratou ia parahi i pihaiho ia'na a mmri atu mai te hau, te ora e te oaoa rahi.

No te mea e, e piti huru to te taata nei, oia hoi, te tino e te varua, ua faaau te Atua i te hoê mau ravea e maitai ai oia e taua na vahi e piti ra.

E no reira, "E piti autahu'araa i roto i te Ekalesia, oia hoi te autahu'araa Melehizedeka, e ta Aarona, e ia apiti-atoa-hia i ta Aarona te autahu'araa Levitito." B. F. S. 104:1.

"Te mana e te tura no te Autahu'araa teitei ra, oia hoi te Autahu'araa a Melehizedeka, ia mau i te mau taviri no te mau maitai varua atoa no te Etalesia; ia faarirohia oia ei farii i te mau parau aro no te basileia ra o te ao; ia vevetehia mai te ra'i i mua ia ratou; ia paraparau ratou e te tairururaa taatoa e te Etalesia feia matahiapo ra; e ia ite atoa i te au i te aro o te Atua i te Metua e ia Iesu i te Arai no te faufaa apî ra." B. F. S. 104:9.


"Te mau nei te autahu'araa a Melehizedeka i te tia ia peresideniraa, e e mana hoi to'na e te tia ia na nia iho i te mau toroa atoa i roto i te Ekalesia, i te mau anotau atoa no te ao nei, ia haapao i te mau mea atoa no te pae varua." B. F. S. 104. 3;

"E na te autahu'araa i hau ra e poro i te evanelia e ua mau i te taviri no te mau parau aro no te basileia, oia hoi te taviri i te ite i te Atua. No reira i roto i te mau oroa no te reira e faaitehia ai te mana no te paiete." B. F. S. 83: 3.

"Te mana e te tura no te autahu'araa iti, oia hoi te autahu'araa a Aarona, o te mau ia i te mau taviri no te raveraveraa a te mau melahi, e i haapao i te mau oroa atoa no raro a'e ra." B. F. S. 104: 10.

"Te autahu'araa iti e mau i te taviri no te raveraveraa a te mau melahi e te faaneheneheraa no te Evanelia, no te tatarahapa e no te bapetito, e no te haamataraa i te hara, e te ture no te mau faaueraa a te paeau o te tino nei." B. F. S. 83:4.

Te epititopora te peretiteniraa no teie nei autahu'araa, e o te mau ia i te mau tavini oia hoi te mana no te reira. B. F. S. 104: 8.



TE FARE O TE FATU, I MANITI, UTAHA.

Mau Parau Apî

Ua pohe a'e nei te hoê taata ereere ruau roa no te tufaa fenua, Ohio, i Marite. E ruau roa taua taata ra. E hoê hanere e piti ahuru ma vau matahiti to'na oraraa i te ao nei. I to'na apîraa, e tîti oia no te hoê taata i parauhia o Creel. E fatu maitai râ taua taata ra, e i muri iho i te tau i faatiamahia'i te mau tîti (taata ereere), e te hau Marite, ua parahi noa â oia i pihaiho i to'na fatu. E i muri a'e i te poheraa no to'na fatu, ua taviui tamau taua taata ereere ra, i te mau tamarii no to'na fatu, e tae noa'tu i te mahana i pohe ai oia. Teie te i'oa o taua ruau ra, oia hoi, o Viliamu Petoni, (William Peyton.)

Ua haamanahia'e nei, e te Piha Iriti Ture no te tufaa fenua South Carolina, i Marite, te hoê ture maitai roa. Na teie nei ture e rahui i te puhipuhiraa avaava i roto i te mau fare tamaaraa e te mau piha tamaaraa hoi no te mau fare ta-paeraa taata.

Ua faataahia'e nei e te Peropheta Hebera Garanata, te tiaraa no te hoê hiero apî, i te oire, Mesa, i te tufaa fenua Arizona, i Marite. E haamatahia te ohipa no te faatiaraa i taua hiero apî ra, i teie mau avae i mua nei.

E 253,834 haapaoraa i te fenua Marite. Teie hoi te rahi-raa o te mau melo o taua mau haapaoraa ra ia taiohia, oia hoi, e 44,709,521. E 25,980,456 melo to te mau Haapaoraa Porosetani. E 17,548,324 melo to te Haapaoraa Katolika Roma. Te afa tia o te mau taata i Marite, aita a ratou haapaoraa. Te tahi haapaoraa i reira, e 50 noa iho a'na melo.

L. H. KENNARD Jr. Imprimeur, Rue Brea et de la
Rue Dumont d'Urville, Orovini, Papeete, Tahiti.